



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1707**

Q. 213. An famulantes possint dominis suis occultè surripere aliquid ad compensandum labo[bo]rem, cui putant non respondere æqualem mercedem.

**urn:nbn:de:hbz:466:1-42515**

Q. 213. An famulantes possint dominis suis occulte surripere aliquid ad compensandum laborem, cui putant non respondere aequalem mercedem. R. Non posse, nam Inn. XI damnavit hanc 37. prop., Famuli & famulæ domesticæ possunt occulte heris suis surripere, ad compensandam operam suam, quam maiorem judicant salario, quod recipiunt: quæ damnatio ut explicetur, notanda sunt seqq:

§. 1. Possunt omnes, etiam famulantes, uti occultâ compensatione, si adsint conditiones à n. 961. requisiæ, unde per hanc damnationem non restringitur illus usus licitæ compensatio-nis, nam compensatio hinc damnata semper fuit illicita, quia defuerunt ei conditiones ad licitum usum necessariæ, quia propositio damnata dicebat sufficere, quod famulus iudicet salarium esse minus quam operam, hoc autem falsum est, tum quia secundum dicta n. 962. requiritur, ut hoc sit certum, tum etiam quia licet labor sit fortè maior, tamen famulus non est ad eum conductus, & ex propria voluntate facit, vel saltem ex spe alterius commodi aut gratiæ.

§. 2. Si famulus iudicans suum salarium esse 972 nimis parvum debeat pecuniam suo domino, v.g. quia acceperat ab eo mutuam, quamvis iste famulus habeat possessionem huius sive pecuniæ, non ideo potest retinere, quantum putat sibi ultrà deberi, uti cum aliis Carden. in 2. crisi d. 23. à n. 66., quia possessio pecuniæ hinc non facit ad rem, uti in simili notat Lugo d. 18. n. 10., sed pro domino antecedenter ad omne dubium est certa possessio iuris de recipiendo mutuo, quæ debet prævalere, cum famulus è contrà non habeat possessionem ullius iuris, quo elidatur illa

certa possessio domini, ius enim, quod prætendit ad maius stipendum, est ad summum tantum probabile & incertum, quod non elidit certitudinem iuris ad recipiendum mutuum, hinc praxis oppositæ sententiae secundum *Carden.* est subiecta damnationi.

**973** §. 3. Damnatio huius propositionis extenditur etiam ad omnes illos, qui vel alteri laborant, uti varii opifices; vel præstant obsequia, uti amici, intercessores, internunci; vel obeunt officia, uti Consiliarii, Secretarii, Quæstores, Belliduces &c., his enim etiam illicita est occulta compensatio, nisi adsint omnes conditiones à n. 961. allatæ, *Carden.* a. 3. Et speciatim quoad famulos sartorum, hi faciunt iniuriam, si retineant fragmenta panni, fila serica &c., ut sic compensent fibi mercedem, quam dicunt sati magnam non solvi, ita cum communi *Lugo* d. 16. n. 83. Ratio est, quia merces, quæ communiter datur illis, & quâ maior non potest ordinariè obtineri, debet censeri iusta, quantitas enim iustæ mercedis taxatur communi usu & consuetudine, ergo malè dicunt talem mercedem non esse iustum. Idem vindicetur dicendum de sartoribus ipsis seu magistris, uti recte *Villal. Dian.* & *Lugo* n. 85 contra *Sanch.* & alios, si invitatis illis, qui vestes constituunt, retineant eiusmodi reliquias: an autem hic vel ille censeatur invitatus, iudicari debet ex circumstantiis, quamvis enim plerique reposcant fragmenta, tamen illi, quibus vestes fractæ non reficiuntur, saepe censeri poterunt ea non repetere. Et quod dictum est de sartoribus, valet de aliis, qui in aliena materia laborant.

**974** §. 4. Ut eiusmodi hominibus sit licita occulta compen-

compensatio, non sufficit, quod p̄tent sibi irrogari evidentem injuriam, amor enim proprius facit credi evidens, quod s̄pē vix est probabile: inō nec sufficit judicium Confessarii mediocriter docti, sed requiritur, ut vir valde doctus, multum prudens ac versatus in re morali judicet certum esse, quod tali homini fiat injuria: Ratio est, quia difficillimum est judicare in hac materia ob plurimas circumstantias, quae possent compensationem illam reddere illicitam, posset enim labor per aliquid aliud esse compensatus, v. g. per favores, spem promotionis, instructionem &c.; posset talis conductus ab initio cessisse juri ad majus stipendium; posset rogasse admitti ad tale servitium, quo casu conventio pro minori pretio esset justa; posset esse talis labor, quem alius libenter subiret pro illo stipendio, & tum etiam censeri debet justum, quamvis esset solito minus. Notat tamen recte *Carden.* n. 65., si herus solvat famulo stipendium in rebus, de quibus non contraxerat famulus neque indiget, sed cogitur dividere minori pretio, certum esse, quod fiat injuria, hinc si adsint reliquæ conditiones, posse uti occultâ compensatione.

§. 5. Si famulus vel alias operarius propter 975 paupertatem coactus sit pacisci pro inæquali stipendio, putat *Pourrè* apud *Steph.* t. 4. d. 7. n. 19. posse occultè compensare sibi, sed oppositum est omnino tenendum, quia hic nulla domini culpa intervenit, & ipse per contractum cessit juri suo: si tamen aliunde cogatur invitus servire pro inæquali stipendio, recte docet *Carden.* n. 65. deberi compensationem ab eo, qui coëgit, quia tum non consensit in minus stipendium.

Q o 5

§. 6.

**976** §. 6. Si certum sit, quod famulus occupetur in aliis, ad quae non est conductus, pro his potest stipendium petere, & si aliter obtinere non possit, occulte compensare, uti docent Nav. Menoch. *Castrop. Burgh. cent. 2. cas. 76.* Si tamen volens facit obsequia gratuita, non potest sibi taxare stipendum, sed remuneratio est libera domino, unde non poterit ideo sibi quicquam occulte accipere.

**977** §. 7. Si famulus vel alius deserviens etiam ex errore invincibili & bona fide, v. g. sequendo consilium Confessarii non sati& docti, subduxit domino aliquid, quod judicabat sibi competere supra salaryum, *Carden. n. 79.* dicit teneri hec restituere, vel ex re accepta, si illam adhuc habeat aut ex illa sit factus ditior, vel saltem ex contractu, nam obligatio, quam inducit contractus, tamdiu durat, donec impleatur, sed contractus inter ipsos fuit de ponendo famulatu, v. g. pro decem aureis tantum & non pro duodecim, quos ille famulus sumpsit, ergo semper remanet obligatio famuli ex parte sua complendi contractum, id est, non sumendi duodecimi, sed ponendi laborem suum pro illis decem, sicuti dominus maneret semper obligatus ad solvendos decem, quamvis per oblivionem inculpabilem antehac eos aut eorum partem non solvisset. Hæc sententia est vera, si famulus intendit se obligare ad non sumendum amplius, è contrâ si contraxit de decem, tacite reservando vel non excludendo ius ad amplius, si prudenter censeretur sibi competere, videtur excusandus per bonam fidem, si illud amplius non existat nec inde sit factus ditior.

Plura circa stipendia famulorum, eorumq; erga dominos, ac vicissim dominorum erga ipsos obligationem, videri possunt apud *Dicas. I. 2. t. 2. d. 9. d. 7.*

DU-